

欽差通政司右叅議王處撥夫孫燒運用人匠於本部輪班匠
內摘撥及行法司量撥有力囚人相兼用工本部仍
行委官左侍郎彭公同督理墁砌工完之日仍將
鐃鎚等件退送本部收貯以備別用緣係關支派辦
物料借發官軍等料墁砌街道及節奉
欽依該衙門知道事理未敢擅便具題奉
聖旨是欽此

作踐城垣街道初號例

成化八年八月十八日工部尚書王等

題為禁約事據本部委官主事趙景呈照得先奉本
部劄付備仰本職於京內外提督各該兵馬指揮
司各照地方逐一相勘街道低窪者填墊平坦溝
渠壅塞者挑濬疏通務俾水道流通有備無患
除親詣各城督同各該兵馬指揮司分管官吏火甲
各地方街道溝渠陸續修添挑濬外看得

正陽等門裏傍城一帶地方多被居住官校軍民人等掘
土托坯致成泥坑稍遇陰雨穢水如池其平坦之處
堆積糞多高城基或行使車輛碾踏低窪致將雨
水流積城下浸灌城脚損壞城牆甚至撒放牲口拴
養馬駝晒糞打線等項作踐多端雖常往來提

督省諭省令遵依

聖旨榜文事理柰緣小人玩法全不知戒近該

欽命內臣管領官軍修理牆垣若不具呈奏

請嚴加禁約誠恐無稽之徒仍前作踐損壞城脚未便動衆旁

人重爲彼患等因具呈到部送司案查先准兵部咨

爲禁治作踐街道等事成化五年二月十八日該太

監許安傳奉

聖旨如今京城街道多被人作踐挖掘侵占及壅塞溝渠好生

不便着錦衣衛官校并五城兵馬時常巡視禁治

如有怠慢不理者許巡街御史叅奏拿問若御史容

情不言一体治罪不饒欽此已經通行遵守外成化六

年十一月二十四日本部尚書王 等於

奉天門欽奉

聖旨皇城周圍及東西長安街并京城內外大小街道近來多

被官民人等作踐或掘成坑坎或淤塞溝渠或蓋

房侵占甚至傍城駕使軍輜撒放牲口損壞城脚好

生不便恁部裏便出榜禁約嚴革前弊今後但遇

城垣少損就令各門守衛官軍隨即修補街道低窪

橋梁損壞督令地方火甲人等併力填修巡城御史

五城兵馬時常往來巡視俱不許似前怠慢如違一

体治罪欽此欽遵已將

聖旨事意脩榜行令各門五城兵馬指揮司領給前去張掛

曉諭禁約及行都察院轉行各該巡城監察御史一

体欽遵去後今批前因案呈到部臣等伏惟京師乃

天下都會重地所宜郭元美街道清肅庶足以聳

四方之觀瞻而示

朝廷遵嚴近年以來內外居住人等罔遵礼法肆爲作踐查
部累經查照舊例申明奏

准通行曉諭禁約其各該兵馬司官吏職專巡管城池街道正
當遵依

聖旨榜文事理嚴督火甲人等常川往來巡視但有違法不遵
禁約就便捉拿懲治却乃因循怠慢畧不經意
視

聖旨榜文爲虛文沉匿而不張掛以奏

准事例爲常事高閣而不奉行遂使玩法之徒全無忌憚任其
拋積糞穢取土掘坑溝渠爲壅塞街道爲之不平
甚至榜城作踐損壞城基低窪聚水浸灌城脚以
致連年修理動勞人衆伏蒙

欽命內臣帶領官匠起撥官軍修築工完若不申明榜例嚴加

禁治誠恐各該兵馬官吏人等以前怠慢不理巡城

御史容情不行料察縱令無籍小人仍復作踐日積

月漸損壞難保合無本部仍行都察院轉行巡城御

史務要遵奉

欽依榜文事理申明禁約嚴督五城兵馬時常巡視今後敢有

故違不遵者不分官校軍民人等拿送法司問罪

明白枷號示衆其各該兵馬司及巡城御史怠慢不

理容情不言者照依節奉

欽依內事理一体治罪如此官無玩法人知警懼緣係申明禁

約事理未敢擅便具題奉

聖旨是欽此